



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

18 հունվարի 2024 թվականի N 70-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2019 ԹՎԱԿԱՆԻ ՀՈԿՏԵՄԲԵՐԻ 10-Ի N 1381-Ն ՈՐՈՇՄԱՆ ՄԵՋ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
Մ Ա Ս Ի Ն

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2019 թվականի հոկտեմբերի 10-ի «Ընտանիքում բռնության դեպքերի կենտրոնացված հաշվառման կարգը սահմանելու մասին» N 1381-Ն որոշման հավելվածում կատարել հետևյալ լրացումները և փոփոխությունները՝

1) հավելվածի 2-րդ կետում «տարածվածության և» բառերից հետո լրացնել «ընտանիքում» բառով, «բռնություն գործադրած և» բառերը փոխարինել «ընտանիքում բռնություն գործադրած և ընտանիքում» բառերով, իսկ «միջոցով պաշտպանության և աջակցության տրամադրման» բառերը հանել.

2) հավելվածի 3-րդ կետում «Լիազոր» բառից առաջ լրացնել «կամ կազմակերպությունը» բառերով, իսկ «թղթային՝ հրապարակման ոչ ենթակա» դրոշմագրով, որը նշվում է փակ ծրարի և Թերթիկ N 1-ի, Թերթիկ N 2-ի և Թերթիկ N 3-ի վրա՝

վերևի աջ անկյունում» բառերը փոխարինել «էլեկտրոնային՝ տեղեկատվական համապատասխան համակարգում ներբեռնած տվյալների ապանձնավորում ապահովելով՝ լրացնելով սույն հավելվածի Թերթիկ N 1-ը» բառերով.

3) հավելվածի 4-րդ կետում «ոստիկանության» բառից առաջ լրացնել «ներքին գործերի նախարարության» բառերով, իսկ «դատախազության» բառից հետո լրացնել «(այսուհետ՝ դատախազություն)» բառերով, ինչպես նաև «(այսուհետ՝ դատական դեպարտամենտ),» բառերից հետո լրացնել «օրենքով սահմանված ապաստարանների (այսուհետ՝ ապաստարաններ),» բառերով.

4) հավելվածի 5-րդ կետը շարադրել հետևյալ խմբագրությամբ՝

«5. Լիազոր մարմինը տեղեկատվությունը ստանում է տեղեկատվական համակարգի միջոցով, որի անխափան գործունեության համար պատասխանատու է «Նորք» սոցիալական ծառայությունների տեխնոլոգիական և իրազեկման կենտրոն» հիմնադրամը: Տեղեկատվությունը հավաքագրվում է հանրային ծառայությունների համարանիշով կամ անձը հաստատող փաստաթղթի տվյալներով և կարող է ամփոփվել Թերթիկ N 1-ում նախատեսված ցանկացած դաշտի՝ հատկանիշի կամ տեղեկատվության, կամ դրանց համակցության հիման վրա: Տեղեկատվության ամփոփման և հրապարակման համար պատասխանատու է Լիազոր մարմինը:».

5) հավելվածի 6-րդ կետը շարադրել հետևյալ խմբագրությամբ՝

«6. Թերթիկ N 1-ը լրացվում է ընտանիքում բռնության յուրաքանչյուր դեպքի և դրա ընթացքի վերաբերյալ: Նույն անձանց միջև ընտանիքում բռնության նոր դեպք արձանագրելու դեպքում սույն հավելվածի Թերթիկ N 1-ը լրացվում է կրկին, և այդ թերթիկները համակարգի միջոցով ֆիքսվելու են որպես փոխկապակցված՝ հանրային ծառայությունների համարանիշերով կամ անձը հաստատող փաստաթղթի տվյալներով:».

6) հավելվածի 7-րդ կետը շարադրել հետևյալ խմբագրությամբ՝

«7. Սույն կարգի 4-րդ կետում նշված մարմինները՝ յուրաքանչյուրն իր իրավասության շրջանակներում, լրացնում են էլեկտրոնային հարթակում տեղադրված Թերթիկ N 1-ը: Ոստիկանությունն առաջնային լրացնում է Թերթիկ N 1-ի 1-20-րդ և 24-26-րդ դաշտերը, իսկ հետագայում՝ ըստ տեղեկատվության հասանելիության

կամ պարզման՝ նաև 21-23-րդ և 27-34-րդ դաշտերը, քննչական կոմիտեն լրացնում է Թերթիկ N 1-ի 35-րդ, 36-րդ, 38-56-րդ դաշտերը, դատախազությունը լրացնում է Թերթիկ N 1-ի 37-րդ և 37.1-ին դաշտերը, դատական դեպարտամենտը լրացնում է Թերթիկ N 1-ի 4-րդ, 28-րդ, 31-րդ և 57-81-րդ դաշտերը, իսկ աջակցության կենտրոնները և ապաստարանները՝ Թերթիկ N 1-ի 1-19-րդ, 21-23-րդ և 82-83-րդ դաշտերը:».

7) հավելվածը լրացնել նոր՝ հետևյալ բովանդակությամբ 7.1-ին և 7.2-րդ կետերով՝

«7.1. Սույն կարգի 7-րդ կետում նշված մարմինների կողմից չգրանցած տեղեկատվությունն անհրաժեշտության դեպքում ներկայացվում է աջակցության կենտրոնների, խնամակալության և հոգաբարձության մարմինների, Հայաստանի Հանրապետության առողջապահության նախարարության և Հայաստանի Հանրապետության կրթության, գիտության, մշակույթի և սպորտի նախարարության կողմից: Աջակցության կենտրոնները լրացնում են Թերթիկ N 1-ի 21-23-րդ, 82-րդ և 83-րդ դաշտերը, խնամակալության և հոգաբարձության մարմինները՝ Թերթիկ N 1-ի 7-9-րդ դաշտերը, Հայաստանի Հանրապետության առողջապահության նախարարությունը՝ Թերթիկ N 1-ի 20-րդ դաշտը և Հայաստանի Հանրապետության կրթության, գիտության, մշակույթի և սպորտի նախարարությունը՝ Թերթիկ N 1-ի 20-րդ դաշտը:

7.2. Սույն կարգի 7-րդ և 7.1-ին կետերում նշված յուրաքանչյուր մարմնի համար տեսանելի են Թերթիկ N 1-ի՝ իր կողմից լրացվող դաշտերը և տեսանելի չեն այլ մարմինների կողմից լրացվող դաշտերը: Յուրաքանչյուր մարմնում, բացի Թերթիկ N 1-ը լրացնող պատասխանատու անձից, մարմնի իրավասությանը վերաբերող դաշտերը տեսանելի են նրա վերադասին, ով վրիպակների, անճշտությունների կամ այլ բացթողումների հայտնաբերման դեպքում կարող է ճշտումներ կամ ուղղումներ իրականացնել այդ դաշտերում: Լիազոր մարմնի ոլորտը համակարգող տեղակալի, համապատասխան վարչության և բաժնի պետերի և բաժնի ծառայողների համար տեսանելի են Թերթիկ N 1-ի բոլոր տվյալները:».

8) հավելվածի 8-10-րդ կետերն ուժը կորցրած ճանաչել.

9) հավելվածի 11-րդ կետում «, 8-րդ, 9-րդ և 10-րդ կետերով» բառերը փոխարինել «կետով» բառով, իսկ «վիճակագրության» բառից առաջ լրացնել «ամփոփ» բառով.

10) հավելվածի 12-րդ կետը շարադրել հետևյալ խմբագրությամբ՝

«12. Լիազոր մարմինն առնվազն յուրաքանչյուր կիսամյակ տեղեկատվությունն ամփոփելուց հետո՝ իր պաշտոնական կայքում հրապարակում է կիսամյակային և տարեկան վիճակագրական հաշվետվություններն ընտանիքում բռնության դեպքերի վերաբերյալ: Լիազոր մարմինը կարող է հրապարակել ընթացիկ հաշվետվություններ՝ ցանկացած ժամանակահատվածի համար և ցանկացած ծավալով:».

11) հավելվածի Թերթիկ N 2-ը, Թերթիկ N 3-ը և Թերթիկ N 4-ն ուժը կորցրած ճանաչել, իսկ Թերթիկ N 1-ը շարադրել հետևյալ խմբագրությամբ՝

**«Հրապարակման ոչ ենթակա
Թերթիկ N 1**

ԸՆՏԱՆԻՔՈՒՄ ԲՈՆՈՒԹՅԱՆ ԴԵՊՔԻ ՎԵՐԱԲԵՐՅԱԼ

Հ/Հ	ԴԱՇՏԻ ԱՆՎԱՆՈՒՄԸ	ՆՇՈՒՄՆԵՐ
1.	Ընտանիքում բռնության դեպքի գրանցման օրը, ամիսը, տարին	
2.	Ընտանիքում բռնության դեպքի գործադրելու օրը, ամիսը, տարին	
3.	Ընտանիքում բռնության ենթարկված անձանց թիվը	
4.	Ընտանիքում բռնության ենթարկված անձի տվյալները՝	Ընտանիքում բռնության ենթարկված յուրաքանչյուր անձի առնչությամբ լրացվում են հետևյալ տվյալները
4.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
4.2.	ծննդյան օր, ամիս, տարի	
4.3.	սեռ	
4.4.	հաշվառման հասցե	
4.5.	փաստացի բնակության հասցե (եթե տարբերվում է հաշվառման հասցեից)	
4.6.	կրթություն	
4.7.	աշխատանք	
4.8.	տեղեկատվություն առողջական վիճակի, ներառյալ՝ հոգեկան առողջության մասին	

4.9.	տեղեկատվություն հաշմանդամության մասին	
5.	Ընտանիքում բռնության ենթարկված անձի կապի ընտանիքում բռնություն գործադրած անձի հետ	
6.	Տեղեկատվություն ընտանիքում բռնություն գործադրած անձի հետ բնակության համատեղ կամ ոչ համատեղ լինելու մասին	
7.	Ընտանիքում երեխաների թիվը	
8.	Երեխայի տվյալները	Յուրաքանչյուր երեխայի առնչությամբ լրացվում են հետևյալ տվյալները
8.1.	տարիքը	
8.2.	սեռը	
8.3.	ընտանիքում բռնության դեպքի ժամանակ երեխայի ակնհայտ լինելը	
9.	Ընտանիքում բռնություն գործադրած անձանց թիվը	
10.	Ընտանիքում բռնություն գործադրած անձի տվյալները	Ընտանիքում բռնություն գործադրած յուրաքանչյուր անձի վերաբերյալ լրացվում են հետևյալ տվյալները
10.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
10.2.	ծննդյան օր, ամիս, տարի	
10.3.	սեռ	
10.4.	հաշվառման հասցե	
10.5.	փաստացի բնակության հասցե (եթե տարբերվում է հաշվառման հասցեից)	
10.6.	կրթություն	
10.7.	տեղեկատվություն հոգեկան առողջության մասին	
10.8.	տեղեկատվություն հաշմանդամության մասին	
10.9.	կախվածությունն ակոհոլից, թմրամիջոցներից, հոգեմետ (հոգեներգործուն) միջոցներից, թունանյութերից, դեղանյութերից	
10.10.	տեղեկատվություն նախկին դատվածության մասին	
11.	Ընտանիքում բռնության տեսակը	Ընտրվում է ընտանիքում բռնության 5 տեսակներից մեկը կամ մի քանիսը, և համապատասխանաբար ներկայացվում է բռնության դրսևորման լրացման հնարավորությունը
12.	Ֆիզիկական բռնության դրսևորումը	
13.	Հոգեբանական բռնության դրսևորումը	
14.	Սեռական բռնության դրսևորումը	
15.	Տնտեսական բռնության դրսևորումը	
16.	Անտեսման դրսևորումը	

17.	Ընտանիքում բռնության գործադրման եղանակը կամ միջոցը	
18.	Ընտանիքում բռնության գործադրման վայրի հասցե	
19.	Ընտանիքում բռնության գործադրման հաճախականությունը	
20.	Ընտանիքում բռնությունը հայտնաբերող կամ ահագանգող անձը, փոխհարաբերությունն ընտանիքում բռնության ենթարկված անձի և բռնություն գործադրած անձի հետ	
21.	Ընտանիքում բռնության ենթարկված անձը տեղավորվել է ապաստարանում	
22.	Ընտանիքում բռնության ենթարկված և ապաստարանում տեղավորված անձանց թիվը	
23.	Ապաստարանում բնակվելու սկիզբը և ավարտը	
24.	Ընտանիքում բռնություն գործադրած անձի հաշվառման սկիզբը և ավարտը	
25.	Ընտանիքում բռնություն գործադրած անձի նկատմամբ կիրառված պաշտպանության միջոցը	Նշվում է 3 միջոցներից մեկը
26.	Անհետաձգելի միջամտության որոշմամբ կիրառված սահմանափակումները	Ընտրվում է սահմանափակումների համախումբը
27.	Անհետաձգելի միջամտության որոշման կիրառման ժամկետը	
28.	Անհետաձգելի միջամտության որոշման բողոքարկումը և դրա արդյունքները	
29.	Պաշտպանական որոշմամբ կիրառված սահմանափակումները	Ընտրվում է սահմանափակումների համախումբը
30.	Պաշտպանական որոշման կիրառման ժամկետը	
31.	Պաշտպանական որոշման բողոքարկումը և դրա արդյունքները	
32.	Տեղեկատվություն բռնություն գործադրած անձի կողմից կիրառված պաշտպանության միջոցների խախտման վերաբերյալ	Առանձին նշվում են խախտված պաշտպանության միջոցի տեսակը, քանակը, հետևանքները
33.	Տեղեկատվություն ՀՀ վարչական իրավախախտումների վերաբերյալ օրենսգրքի 206.16-րդ հոդվածով վարչական պատասխանատվության ենթարկվելու վերաբերյալ	
34.	Տեղեկատվություն ՀՀ քրեական օրենսգրքի 508-րդ հոդվածով քրեական վարույթ նախաձեռնելու համար ՀՀ քննչական կոմիտեին դիմելու վերաբերյալ	
35.	Քրեական վարույթ նախաձեռնելու օրը, ամիսը, տարին	
36.	Քրեական վարույթ նախաձեռնելու հիմքը	Ընտրվում է 4 հիմքերից մեկը
36.1.	Ֆիզիկական անձից	
36.2.	իրավաբանական անձից	

36.3.	պետական կամ տեղական ինքնակառավարման մարմնից կամ դրա պաշտոնատար անձից՝ նրա գործունեության իրականացման կապակցությամբ	
36.4.	օպերատիվ-հետախուզական գործունեություն իրականացնող մարմնից, քննիչից, դատախազից կամ դատավորից՝ իր լիազորություններն իրականացնելու կապակցությամբ	
37.	Տեղեկատվություն ընտանիքում բռնության դեպքով քրեական հետապնդում իրականացնելու մասին	
37. 1.	Տեղեկատվություն դատախազի նախաձեռնությամբ ընտանիքում բռնության դեպքով քրեական հետապնդումը հանրային կարգով իրականացնելու մասին	
38.	Տեղեկատվություն քրեական վարույթ չնախաձեռնելու մասին	
39.	Քրեական վարույթի ընթացքը	Ընտրվում են ստորև նշված դաշտերը
39.1.	քրեական վարույթի կարճում՝ նշելով ՀՀ քրեական դատավարության օրենսգրքի 13-րդ հոդվածով նախատեսված կարճման հիմքերից մեկը	
39.2.	հանրային քրեական հետապնդման ժամկետի կասեցում՝ նշելով ՀՀ քրեական դատավարության օրենսգրքի 193-րդ հոդվածով նախատեսված կասեցման հիմքերից մեկը	
39.3.	նախաբնության ավարտ՝ մեղադրական եզրակացություն կազմելով	
39.4.	մեղադրական եզրակացությունը դատարան ուղարկելու օրը, ամիսը, տարին	
39.5.	բժշկական բնույթի հարկադրանքի միջոցներ կիրառելու վարույթի իրականացում	
39.6.	բժշկական բնույթի հարկադրանքի միջոցներ կիրառելու համար եզրափակիչ ակտը դատարան ուղարկելու օրը, ամիսը, տարին	
40.	Տուժողների թիվը	
41.	Տուժողի տվյալները	Յուրաքանչյուր տուժողի առնչությամբ լրացվում են հետևյալ տվյալները
41.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
41.2.	ծննդյան օր, ամիս, տարի	
41.3.	սեռ	
41.4.	հաշվառման հասցե	
41.5.	փաստացի բնակության հասցե (եթե տարբերվում է հաշվառման հասցեից)	
41.6.	կրթություն	
41.7.	աշխատանք	

41.8.	տեղեկատվություն առողջական վիճակի, ներառյալ՝ հոգեկան առողջության մասին	Պարտադիր չէ լրացման համար
41.9.	տեղեկատվություն հաշմանդամության մասին	
42.	Տուժողի կապը մեղադրյալի հետ	
43.	Ընտանիքում երեխաների թիվը	
44.	Երեխայի տվյալները	Յուրաքանչյուր երեխայի առնչությամբ լրացվում են հետևյալ տվյալները
44.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
44.2.	ծննդյան օր, ամիս, տարի	
44.3.	սեռ	
44.4.	հաշվառման հասցե	
44.5.	փաստացի բնակության հասցե (եթե տարբերվում է հաշվառման հասցեից)	
44.6.	կրթություն	
44.7.	տարիքը	
44.8.	սեռը	
44.9.	ընտանիքում բռնության դեպքի ժամանակ երեխայի ականատես լինելը	
45.	Մեղադրյալների թիվը	
46.	Մեղադրյալի տվյալները	Յուրաքանչյուր մեղադրյալի վերաբերյալ լրացվում են հետևյալ տվյալները
46.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
46.2.	ծննդյան օր, ամիս, տարի	
46.3.	սեռ	
46.4.	հաշվառման հասցե	
46.5.	փաստացի բնակության հասցե (եթե տարբերվում է հաշվառման հասցեից)	
46.6.	կրթություն	
46.7.	աշխատանք	
46.8.	տեղեկատվություն հոգեկան առողջության մասին	
46.9.	տեղեկատվություն արարքը կատարելու պահին անմեղսունակ կամ սահմանափակ մեղսունակ լինելու մասին	
46.10.	տեղեկատվություն հաշմանդամության մասին	
46.11.	կախվածությունն ալկոհոլից, թմրամիջոցներից, հոգեմետ (հոգեներգործուն) միջոցներից, թունանյութերից կամ դեղանյութերից	
46.12.	տեղեկատվություն նախկին դատվածության մասին	
47.	Ընտանիքում բռնության տեսակը	ընտրվում է ընտանիքում բռնության 5 տեսակներից մեկը կամ մի քանիսը, և

		համապատասխանաբար ներկայացվում է բռնության դրսևորման լրացման հնարավորությունը
48.	Ֆիզիկական բռնության դրսևորումը	
49.	Հոգեբանական բռնության դրսևորումը	
50.	Սեռական բռնության դրսևորումը	
51.	Տնտեսական բռնության դրսևորումը	
52.	Անտեսման դրսևորումը	
53.	Ընտանիքում բռնության գործադրման եղանակը կամ միջոցը	
54.	Ընտանիքում բռնության գործադրման վայրի հասցե	
55.	ՀՀ քրեական օրենսգրքի հոդվածը, մասը, կետը, որով նախաձեռնվել է քրեական վարույթը	Նշվում են բոլոր հոդվածները՝ նշելով հանցագործության ծանրության աստիճանը
56.	ՀՀ քրեական օրենսգրքի հոդվածը, մասը, կետը, որով ավարտվել է նախաքննությունը	Նշվում են բոլոր հոդվածները՝ նշելով հանցագործության ծանրության աստիճանը
57.	Ընտանիքում բռնության դեպքով գործի դատական ակտը կայացրած դատարանի անվանումը	
58.	Կայացված դատական ակտը	
59.	Կայացված եզրափակիչ դատական ակտի կայացման օրը, ամիսը, տարին	
60.	Կայացված եզրափակիչ դատական ակտն ուժի մեջ մտնելու օրը, ամիսը, տարին	
61.	Մեղադրական դատավճռի դեպքում՝ պատժի տեսակը, չափը կամ ժամկետը	
62.	Ընտանիքում բռնության ենթարկված անձին (անձանց) պատճառված վնասի չափը (առկայության դեպքում)	
63.	Տեղեկատվություն ընտանիքում բռնության ենթարկված անձին (անձանց) հատուցման ենթակա վնասի վերաբերյալ	
64.	Արդարացման դատավճռի դեպքում՝ տեղեկատվություն ՀՀ քրեական դատավարության օրենսգրքի 342-րդ հոդվածի 1-ին մասով սահմանված հարցերի վերաբերյալ	
65.	Տեղեկատվություն քրեական գործի կարճման և դրա հիմքերի մասին	
66.	ՀՀ քրեական օրենսգրքի հոդվածը, մասը, կետը, որով գործն ուղարկվել է դատարան	Նշվում են բոլոր հոդվածները՝ նշելով հանցագործության ծանրության աստիճանը
67.	ՀՀ քրեական օրենսգրքի հոդվածը, մասը, կետը, որով կայացվել է մեղադրական դատավճիռը	Նշվում են բոլոր հոդվածները՝ նշելով հանցագործության ծանրության աստիճանը
68.	Տուժողների թիվը	

69.	Տուժողի տվյալները	Յուրաքանչյուր տուժողի առնչությամբ լրացվում են հետևյալ տվյալները
69.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
69.2.	ծննդյան օր, ամիս, տարի	
69.3.	սեռ	
69.4.	հաշվառման հասցե	
69.5.	փաստացի բնակության հասցե (եթե տարբերվում է հաշվառման հասցեից)	
69.6.	կրթություն	
69.7.	աշխատանք	
69.8.	տեղեկատվություն առողջական վիճակի, ներառյալ՝ հոգեկան առողջության մասին	
69.9.	տեղեկատվություն հաշմանդամության մասին	
70.	Տուժողի կապը մեդադրյալի հետ	
71.	Մեդադրյալների թիվը	
72.	Մեդադրյալի տվյալները	Յուրաքանչյուր մեդադրյալի վերաբերյալ լրացվում են հետևյալ տվյալները
72.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
72.2.	ծննդյան օր, ամիս, տարի	
72.3.	սեռ	
72.4.	հաշվառման հասցե	
72.5.	փաստացի բնակության հասցե (եթե տարբերվում է հաշվառման հասցեից)	
72.6.	կրթություն	
72.7.	աշխատանք	
72.8.	տեղեկատվություն հոգեկան առողջության մասին	
72.9.	տեղեկատվություն արարքը կատարելու պահին անմեղսունակ կամ սահմանափակ մեղսունակ լինելու մասին	
72.10.	տեղեկատվություն հաշմանդամության մասին	
72.11.	կախվածությունն ակոհոլից, թմրամիջոցներից, հոգեմետ (հոգեներգործուն) միջոցներից, թունայություններից կամ դեղանյութերից	
72.12.	տեղեկատվություն նախկին դատվածության մասին	
73.	Համահայցվորի թիվը	<i>Քաղաքացիական գործի առնչությամբ</i>
74.	Հայցվորի տվյալները՝	Եթե հայցվորն ընտանիքում բռնության ենթարկված անձն է, ապա յուրաքանչյուր հայցվորի առնչությամբ լրացվում են հետևյալ տվյալները:

		Եթե հայցվորն աջակցության կենտրոնն է, ընտանիքում բռնության ենթարկված անչափահասի կամ դատական կարգով անգործունակ կամ սահմանափակ գործունակ ճանաչված անձի մերձավոր ազգականը, օրինական ներկայացուցիչը կամ խնամակալության ու հոգաբարձության մարմինը, ապա դրա մասին կատարվում է համապատասխան նշում սույն դաշտում, իսկ հետագա տվյալները լրացվում են ընտանիքում բռնության ենթարկված անձի վերաբերյալ:
74.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
74.2.	ծննդյան օր, ամիս, տարի	
74.3.	սեռ	
74.4.	հաշվառման հասցե	
74.5.	փաստացի բնակության հասցե (եթե տարբերվում է հաշվառման հասցեից)	
74.6.	կրթություն	
74.7.	աշխատանք	
74.8.	տեղեկատվություն անգործունակ կամ սահմանափակ գործունակ ճանաչվելու մասին	
74.9.	տեղեկատվություն հաշմանդամության մասին	
75.	Պատասխանողների թիվը	
76.	Պատասխանողի տվյալները	Յուրաքանչյուր պատասխանողի վերաբերյալ լրացվում են հետևյալ տվյալները
76.1.	հանրային ծառայությունների համարանիշ (անձը հաստատող փաստաթղթի տվյալներ)	Նույնականացվում է բնակչության պետական ռեգիստրի հետ
76.2.	ծննդյան օր, ամիս, տարի	
76.3.	սեռ	
76.4.	հաշվառման հասցե	
76.5.	փաստացի բնակության հասցե (եթե տարբերվում է հաշվառման հասցեից)	
76.6.	կրթություն	
76.7.	աշխատանք	
76.8.	տեղեկատվություն անգործունակ կամ սահմանափակ գործունակ ճանաչվելու մասին	
76.9.	տեղեկատվություն հաշմանդամության մասին	

77.	Պաշտպանական որոշում կիրառելու մասին դատական ակտը կայացրած դատարանի անվանումը	
78.	Տեղեկատվություն պաշտոնական որոշմամբ նշանակված սահմանափակման տեսակի վերաբերյալ	Ընտրվում է սահմանափակումների ցանկից
79.	Դատական ակտի կայացման օրը, ամիսը, տարին	
80.	Քաղաքացիական գործի վարույթը կարճվել է	
81.	Քաղաքացիական գործի վարույթի կարճման հիմքերը	
82.	Ընտանիքում բռնության ենթարկված անձին տրամադրված օգնության տեսակները	Ընտրվում է օգնության տեսակներից այն համախումբը, որը կիրառվել է կոնկրետ անձի նկատմամբ
83.	Ընտանիքում բռնության ենթարկված անձի վերաինտեգրման արդյունավետությունը	

»:

2. Հայաստանի Հանրապետության աշխատանքի և սոցիալական հարցերի նախարարին՝ ապահովել տեղեկատվական համակարգի ներդրումը սույն որոշումն ուժի մտնելուց հետո վեցամսյա ժամկետում:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը, և դրա գործողությունը տարածվում է որոշման 2-րդ կետում նշված տեղեկատվական համակարգի ներդրմանը հաջորդող օրվանից ծագած հարաբերությունների վրա:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան